

盤洲文集

盤洲文集卷第十五

內制五

賜王之望辭免端明殿學士不允詔

朕承洪業託士民之上若涉淵水未知攸濟思得天
下之傑合謀相輔以成治功故高位厚祿所不敢惜
以卿有慷慨之志更中外之久廼自首諫躋之政塗
今蓋未幾也而雅懷莫遂公論弗孚雖欲留以自近
顧不可得書殿美職乃進退大臣之優禮何至遂有
挂冠之請哉

賜步軍司後軍統制崔臯辭免鄂州觀察使

不允詔

朕注意戎事醲於用賞高秩美官未嘗愛惜執此之信有如皦日卿扞敵淮壤厥有茂勲吉語首馳朕心以懌觀風之任躡等而遷益思盡忠勿事沖避

賜錢端禮辭免參知政事兼權知樞密院事
不允詔

昔舜命九官濟濟相遜奮庸亮采靡事不理朕甚慕之卿學足以行道識足以決疑入踐鈞樞能斷國論疇咨選衆宜幹政機魚冠宥庭助我經武撫詞相推無媿于古渙汗不反亟其祇服

賜虞允文辭免同知樞密院事兼權參知政
事不允詔

朕以眇身獲保宗廟天下治亂在予一人非邦家之
英同德一心裨助萬務則安能有濟哉卿充積學問
練達事機中外踐更所言可績比參宥畫具見良圖
宜副本兵兼預政柄贊襄之效倚俟有成祇服恩榮
無勞謙挹

賜王剛中辭免端明殿學士簽書樞密院事
不允詔

朕兢業一日二日萬幾寤寐有德之輔天下賢

哲肯從我遊者吾能尊顯之卿有佐王之學有拔俗之材入從出蕃咸著顯聞復還禁路風望隱然入助籌帷孰曰不可循牆之避非所願聞

賜戚方辭免捧日天武四廂都指揮使不允
詔

宰輔以汝求免廂部事入奏夫爵祿者朕所以厲世磨鈍也介冑之士有安邊卻敵之効達于朕聽賞不旋日惟恐忘其功也卿忠不顧身名副其實旂常有紀褒律匪私宜略擢詞丞祇茂命

賜皇子少保鄧王惲生日詔

新德曆於三微甫迎獻歲視萸萸之雙秀厥有休符
為吾元子之祥得彼列仙之壽爰推恩渥以頌熾昌
賜太尉昭信軍節度使曹勛生日詔
歲籥更端方歌青煒之曲禁門通籍不馬赤松之遊
式盼牢醴之珍用介衮旒之壽

賜簽書樞密院事王剛中生日詔

初剛中獻歲發春景踰三宿元精生佐秀括五行爰
推盼式之常以相壽祺之永

賜左武大夫宜州觀察使龍大淵辭免落階
官不允詔

朕踐好之始擇材為使必得長于專對者以堅二國之盟卿講習古訓識慮淵深久于潛藩終始如一盡忠致主畏遠權勢出入禁闥厥有休聲張旌越壘不憚遐阻俾脫橫列正名庶車慶不虛行無事撫固

賜陳康伯乞解罷機政不允詔

朕以菲質膺太上傳授之重蚤夜慄慄不敢以位為樂念宰相助理萬機圖任之失則不特噬臍之悔而已故力起舊德還以魁柄袞繡復來即日無甲兵之問顯相肇祀天闈其祥殆亦變理之效也方倚碩望尊強朝廷雖日青未平願豈不能奉我清閒之燕坐

而論道乎上印勾歸朕不敢聽

賜叅知政事虞允文乞宮觀不允詔

君為元首臣為股肱蓋一體相須所以合謀同德計
安天下者也卿輔政半載屢告嘉猷筋力方強思慮
甚審何嫌何疑遂欲引疾而去詳味來章深所未曉
賜虞允文乞宮觀不允更不得再有陳請詔
卿秉尊朝之德有憂國之風造膝憐憫備見忠款朕
方倚以為治庶幾乎厲無前之績未嘗有纖介之間
也移疾勾閑何易退如是耶載覽所陳難以曲徇
賜知福州趙子瀟乞致仕不允詔

大夫七十而致事蓋血氣既衰懼其漏盡鐘鳴而不
知止足之戒故先王制禮大為之防而後世以此約
三尺之法也烏有神明之胄筆橐之榮齒髮鼎盛治
有能名而欲抽簪高蹈則國家安得而從之橐封
來政爾辭費亟其視事勿復卧閤

賜凌景夏辭免復徽猷閣直學士不允詔

朕推紫壇之澤于四海無遠迩之間況甘泉之舊乎
卿性資夷粹揅履端方出鎮藩維有慈祥之政入司
銓部有平允之聲歸憩叢祠未尋故步茲還內閣之
職寔聽輿人言奚用撫章尚留茂渥

賜王大寶辭免禮部尚書不允詔

卿履道醇固蓄德雄剛從列諫坡積有令問退休林壑恬適泰然趨節遠來得憐：不忘君之誼入對文石筋力未衰宜長春官用資猷替之益已盼渙命奚事搗文

賜趙密再上表辭免少保不允仍斷來章批
荅

省表具之朕講修軍政賸遇 臣念堅甲利兵嘗冒死亡之地故高秩厚禮特優終始之恩茲宿將之告休以貳公而佚老使師衆益思於報國知朝廷不負

於用人朕命已行汝等毋再所請宜不允仍斷來章
賜賀允中再辭免知樞密院事兼權參知政
事恩命仍斷來章批荅

二老來歸于西伯以齒為尊九官相推于舜朝匪辭
所命我國耆艾伴典事樞庶幾制勝于兩楹如彼運
籌之三傑國有成渙人無間言當思遇合之難共講
治安之策畀之召節既不鑒坏以為高覽此奏函何
乃叩閣而未已

賜文武百僚湯思退等上表請

皇帝御正殿復常膳不允批荅

涉秋以來天作淫雨害我穡事朕仄席輟餐惕然靡寧天裁警予夫豈偶然朝思夕惟顧無以仰荅譴告雖沴氣欲解而沉沒之田農方告病公卿大夫有足國惠民之策能紓我之憂則為愛君復常之請姑置之可也

賜湯思退等再上表請御正殿復常膳不

允批荅

永初遇雁電之異不陳庭下之車祖己戒雉鼎之祥尚改廟中之祀願予不德方古有慚雨集七八月之間遂成積潦郡灾什四分以上迨及數城雖采納於

謹言亦舉行于荒政莫救西成之害不勝南面之憂
惟卿荐貢于誠在朕正懷于抑畏上棟下宇難講
大昕之儀右哉左穀敢豐中是之御

賜湯思退等三上表請

御正殿復常膳允

批荅

朕罪已畏威便坐未嘗安席齋心食淡厚味不復充
庖永念咎端敢為具文雖恐懼於斯而踰月顧貶損
何足以應天卿等咸造廣庭屢騰需牘具陳稽古之
訓深見尊君之誠陞九級而上庶勉從來請物百羞
以俟饋祇媿多儀所冀責難之恭交修除害之利

原书缺页

原书缺页

原书缺页

原书缺页